



Eamibáikenamaid riikkaidgaskaš konferánsa 2010

Vuosttaš bovdehus doallat sáhkavuoruid

Eamibáikenamat leat leamaš anus miehta máilmmi prekoloniála servodagain. Olbmot iešguđege guovlluin áŋgiruššet oažžut eamibáikenamaid fas ruovttoluotta guovddáži daningo daid mearkkašupmi lea nu dehálaš eamiálbmogiid rivttiid nannemis, gielaide revitaliseremis, kultuvrralaš identitehta doalaheamis ja eamiálbmogiid njálmmálaš árbevirrui gullevaš ekologalaš ipmárdusa oahpaheamis.

Konferánsabáiki:

Sámi alitoahppoásahus, Sámi allaskuvla lágida vuosttaš Eamibáikenamaid riikkaidgaskaš konferánsa (ICIPN) ja bovde dutkiid geat barget eamibáikenamaiguin, searvat dán vuosttaš fágaidrasttideaddji konferánsii.


Áigi: 3.-8.9.2010

Báiki: Sámi allaskuvla, Guovdageaidnu

Oassálastinmávssut: 2000 NOK (ovdal 31.3.2010)

2200 NOK (1.4.-30.5.2010)

1500 NOK (studeanttat; gitta 30.5. rádjai)



Guovdageaidnu, Norway

Konferánsa áigge:

- Virggálaš gielat leat davvisámeigiella ja eangalsgiella; simultána dulkon
- Váldologaldallit leat Sámis, Kalaallit Nunaatas (Ruonáeatnamis), Afrihkás, Pacific sulluin ja Lulli-Amerihkás
- Eaminamaid girjjálašvuoda ja posteriid čájáhusat, eamibáikenamaid diehtovuorkkáid čájeheamit
- Kultuvrralaš doalut: eamiálbmogiid filmmat, dáidda- ja duodjemárkanat, eamiálbmot kulturdoalut
- Eaktodáhtolaš ekskuršuvdna Mázii ja Čávžui

Sáhkavuoruid fáttát:

Vuosttaš eamibáikenamaid konferánsa deattuha proseassaid mat leat dárbbaslaččat vai eamibáikenamat dohkkehuvvojit politihkalaččat. Dán prosessii čatnasit mánggat perspektiivvat ja danin dán konferánsii heivvolaš sáhkavuorut sáhttet gullat čuoovvovaš fáttáide: eamiálbmogiid gielat, kultuvrralaš geavadat, ealáhusat, resursaatnu, eanadagaid klassifiseren, oahpahanproseassat, dutkanmetodat ja tehnikkalaš ovdáneapmi. Geahča dárkileappot konferánsa fáttáid birra neahttasiiddus www.icipn2010.no: Konferánsa fáttát.

Rávvagat sáhkavuoruide:

Oktiigeasut čállojuvvojit juogo eangalsgillii dahje sáme- ja eangalsgillii. **Áigemearmi lea 15.3.2010.** Oktiigeasut čállojuvvojit Word 2003 dahje 2007 -prográmmain, eanemustá 250 sáni, bustávasturrodagain 12 ja linnjagaskkain 1,5. Oktiigeasut galget leat maid dát dieđut: Sáhkavuoru dahje postera bajilčála, čáli namma, e-boasta, ášahusa namma ja čujuhus. Jus leat mánga čáli, buohkaid oktavuodadieđut galget namuhuvvot. Sáhkavuoruid guhkkodat lea 30 minuhta, mas 20 minuhta rehkenasto sáhkavurrui ja 10 minuhta ságastallamii. Eanet dieđut leat neahttasiiddus www.icipn2010.no: Sáhkavuorut ja posterat.

Ruhtajuolludeaddjit:

ICIPN 2010 -konferánsa dieđalaš komitea ja báikkálaš lágidankomitea háliidit giitit čuoovvovaš ruhtajuolludeddjiid: Sámi allaskuvla, Norgga Dutkanráđdi ja Davviriikkalaš Kulturfoanda. Jus du organisašuvdna dahje ášahus lea beroštuvvan doarjut vuosttaš Eamibáikenamaid riikkaidgaskaš konferánsa, de sihtat du váldit oktavuoda konferánsa čállingottiin: icipn2010@samiskhs.no.